

KERATAN AKHBAR

JUDUL : Utusan Malaysia

TARIKH : Sabtu, 6 Mac 2021



Tak faham kenapa Perpustakaan Negara tutup



Perkhidmatan Perpustakaan Negara perlu dibuka semula bagi memudahkan golongan pelajar mendapatkan maklumat untuk tujuan pembelajaran.

- Oleh AQILAH MIOR KAMARULBAID
- 6 Mac 2021, 9:00 am

SAUDARA PENGARANG,

SAYA tidak faham mengapa Perpustakaan Negara di Jalan Tun Razak, Kuala Lumpur perlu ditutup sepanjang Perintah Kawalan Pergerakan (PKP) sedangkan kebanyakan pejabat kerajaan sudah dibuka dan beroperasi seperti biasa.

Kedai-kedai dan premis perniagaan juga sudah dibuka, begitu juga sekolah pada bulan ini. Jadi, apa keperluan untuk terus menutup perpustakaan daripada terus beroperasi?

Kami sebagai pengguna mendapati pengunjung perpustakaan tidak ramai sehingga perlu bersesak-sesak.

Pengguna perkhidmatan ini mematuhi prosedur operasi standard (SOP) dengan memakai pelitup muka, menjaga penjarakan fizikal dan kerap menggunakan pensanitasi.

Malah suhu badan diambil sebelum memasuki premis. Pun begitu, kerajaan masih lagi mahu menutup gedung ilmu ini. Ramai pengguna mengeluh dan kecewa dengan penutupan perkhidmatan tersebut ditutup tanpa sebab munasabah.

Sebagai rakyat marhaen, kami perlu menggunakan perpustakaan untuk membuat kajian, tesis, persediaan untuk peperiksaan, mencari bahan bacaan, melayari internet dan pelbagai perkhidmatan lagi. Apa salahnya kalau perpustakaan dibuka untuk kegunaan rakyat?

SHAIFUDDIN SABRI
Taman Melati, Kuala Lumpur